



Universitätsbibliothek Paderborn

Evropeae Historiae Societatis Iesv Pars ...

Anglia

Bartoli, Daniello

Lvgdvni, 1671

Capvt I. Alanus Romæ. Alani rationes ad impetrandos Angliæ suæ operarios à Mercuriano. Optarat S. Ignatius inducere Societatem in Angliam. Anglorum dotes egregiæ.

urn:nbn:de:hbz:466:1-10773

LIBER II.

*Alanus Roma. Alani rationes ad impetrando
Anglia sua operarios à Mercuriano. Optarat
S. Ignatius inducere Societatem in Angliam.
Anglorum dotes egregia.*

C A P V T I.

RO M A M mense Octobri, anno 1579. Alanus appulit, vt quod sapienter optarat Personius, eo pietatis & doctrinæ consensu, seminarium Remense Romano sociaret, quo iunctis viribus fortius Angliam iuuarent. Inspecta illic diligenter selecta Romani iuuentute, disciplinæ sanctimonia, viuendi ordine ac discendi, sic delectatus est, vt erga hoc nihilo frigidius quam in suum illud Remense ferretur, & arderet. Quare datis deinde ad eius Rectorem Gazzarium, aliosque nostrorum literis, suos compellabat in formandis ad martyrium, aut Apostolatum, aut utrumque Anglorum animis Collegas. Verum aliud quidam voluebat tacitus, cuius potissimum gratia Remis iter molestum Romam suscepérat, nostros videlicet operarios Angliæ, à Mercuriano Praeposito impetrare; nam si tantum pollebant virtute illorum discipuli & alumni quos ad hoc fingebat Societas, quid non erant ibidem præstigiuri ductores, & Magistri: suas in eam rem perpendendas illi tradidit rationes, quæ cùm possint quoque in posterum valere plurimum, visum est saltē obiter illas indicare.

Prima erat temporis ratio, quo eodem ruinis Angliae, Societatis ordinum Parisis opposuerat Deus; exterminatis ab Anglia religiosis ordinibus, Societatem Romae decreto Pontificis in religiosas adscriptam familias, & peculiari obstrictam voto, obedientiae Christi Vicario praestandae, quam Henricus octauus Deo rebellis excusserat; Deo, quod semper alias notatum, summis Ecclesiaz cladibus, summa temedia parante idque prouisum diuinitus, obseruarunt Pontifices, ac praeter scriptores huius æui sexcentos, Sanderus, & ipse Anglus, & clati in rem Catholican meriti. O, inquit, Dei erga Ecclesiam, nosque priuatim Anglos clementiam inexplicabilem! Dum ore sacrilego in Germania Lutherus

Deum ac diuina proscinderet; Henricus octauus religione omni pessum-data, Papæ sedem, ac nomen execrationibus publicis deuoueret, Ignatij Loyolæ spiritum eiusque socrorum, ad religiosæ vitæ absolutissimam exciuit, & exegit formam. Quâ nuncupato Pontifici voto, impietatem Lutheri, & Henrici furorem, ab animis Catholicorum defenderent, quocumque terrarum & gentium, per quæuis pericula, in Ecclesiæ obsequium ituri, solo Pontificis contenti mutu, velut Christi mandato, & de incerto viæ subsidio fidenter securi. Quibus ex Ignatij pollice disciplinâque mirabili profectis inditum est nomen Societatis IESV, quod ultimis non modo Indiis, orbisque finibus celeritate incredibili parique industria importarunt, sed præsentiori suo forte periculo, in Septentrionis, nostræque Angliæ populos hæresum tabe iectos mortifera, & dominorum sœua tyrannide ab orbe Catholicò diuulsos, hæc & similia Sanderus.

Ad strenuam operam reparandæ inter Anglos auitæ veritatis seruabat viuacem stimulum, & pignus, vocem S. sui parentis Ignatij, quâ olim prædixerat fore, ut eo in Regno maximè floreret Societas. Nam si aiebat Alanus Doctor nusquam barbarorum, terratum, & pérículorum erat qno Generalis Præpositus ad conuersionem ethnicorum suos non mitteret; nullæ tot ærumnis & mortibus consitæ expeditiones quas illi nobili ambitu non affliction prensarent; qua mente poterat Angliam negligim præterire, tot retro seculis Christianam & gloriouse Catholicam. Ita quidem ex vero, & æquo Alanus; constabat præterea ex Archiuij nostri monumentis, fundatori nostro sanctissimo quantoperè cor-di fuisset Anglia. Scribens enim ad Polum Cardinalem, de Societatis quam amicè amabat incrementis; deferebat illi pro Anglicana iuuentute, Germanici Collegij tunc aptum subsidium, quod nondum esset certis nationibus obstrictum, sed pia ejusdem sancti Patris aletetur fouvereturque charitate à quo primum fuerat inchoatum. Significabat nihil à se omissum apud Hispaniæ Principem, tunc Angliæ Regem Philippum secundum quo Societati pateret in Angliam aditus, feissèque id eodem à Principe Patri Araozio, Patri Francisco Borgiæ, & Eleonoræ Mascalrenniæ diuersis temporibus promissum, tametsi ob causas quas nihil attinet referre, votis euentus nequaquam respondisset, ut nec moræ quam illic Ribadeneira traxit, Gomezium Figueroæ Comitem securus, quem eò Philippus destinarat ut Reginæ Mariæ adesset ægrotanti. Dum ergo ex cœli placito, Societatis in Angliam ingressus expectatur, in Societatem Angli, & multi, & magnis dotibus subeunt; tam multos enim à Laine & Borgiæ vitis sanctissimis admissos cum eorum successor Mercurianus comperisset, augeriique in dies animaduerteret, nunc, inquit, videtur statutum cœlitus, adesse tempus quo Societas in eampum exeat ad profandas Angliæ hæreses, tam copioso, & valido instructa milite, quod idem etiam largius expertus est cum vel uno 1578. anno Anglos duodecimi Societati Belgium dederit, vinebâque præstantia numerum.

&

& inter cæteros non mediocriter eminebant ; augebat illorum ubique gloriæ illustre pro fide exilium , & extra rem foret inire hic eorum numerum , qui tota Hibernia , Belgio , Gallia , qui Germania , Vngaria , Polonia , Lituania , qui per Hispaniam , & Italiam forti exemplo oberrabant ; notaréque illos nominatim quorum egregia sanctitas peculiaribus Dei donis condecorata est , præter alios in omni genere literatum , & interiori pietatis , ac virtutum magisterio claros ; vt de iis fileam quos utraque India , & castra Pannoniae aduersus Turcas , & calamitas peste contactorum cum eximia laude occuparunt.

His Alanus plus satis probabat Angliæ succurrentum & suggestoros illi à Societate operarios , quæ Societati tam multos suggesteret , quorum , & præcipua charitas , patriæ debebatur supremum laboranti , & afflatum ei ab iis auxilium non esset reliquas regiones suis præsidiis orbatura.

Nec videri satis Societatem huic officio facere colligendis in Seminaria , & instituendis Anglis exilibus . Partem Regni hos esse minimam , & præsidiis animi minimum egentem , cuius ipsi robur deserendis cum patria domibus tam alacriter probassent . Illuc esse vertendos conatus , vbi prælium esset aduersus omnes Catholicos grauius , periculosius in vacillantes ac debiles ; in lapsos miserabilius ; egere denique gentem vniuersam tanta ope , quantam non posset ab Sacerdotibus optimis , sed paucis expectare ; quique illam ipsimet à Societate flagitabant , nec sperabant se posse aliunde illam accersere . Rationibus Alani forsitan videar Societatis moras incusare , quæ nihilominus in hunc de quo agimus æui annum septuagesimum nonum , Elizabethæ furentis vicesimum , suppetias ferre distulerit ; ac ne tunc quidem grati animi , iuris , ac precum argumentis , etiam summo Pontifici admotis , Mercurianus nisi agrè adductus cesserit postulatis ; negans aut posse , aut debere , ac difficultatum necesse obices , sed superabiles , & cum Iaponibus , Brasiliis , & longinquieribus aliis nationibus communes , quibus tamen vltro suorum paucitatem , sudores & sanguinem Societas prodiga ingerebat , si nullos eorum in suis numeraret .

